

*Mtu mwema katika akiba njema butoa mema; na mtu mbaya katika akiba mbaya butoa mabaya—Mathayo 12:35.*

**M**aneno yako ni kielelezo cha tabia yako.... Hapa tunaona umuhimu wa kuwa mwangalifu katika matumizi ya maneno. Talanta hii ni nguvu kuu kwa ajili ya wema inapotumiwa vizuri....

Ni fursa ya wote kujaza vyumba vya nafsi kwa hazina safi na takatifu kwa kujijulisha kikamilifu maneno ya Yesu ya thamani yaliyotolewa kwa ajili ya kutufundisha....

Kwa kusikiza maonyo na kutiwa moyo kulikotolewa katika Neno la Mungu, tuweze “kuenenda kama ulivyo wajibu wenu kwa Bwana, mkimpendeza kabisa; mkizaa matunda kwa kila kazi njema, na kuzidi katika maarifa ya Mungu; mkiwezesha kwa uwezo wote, kwa kadiri ya nguvu ya utukufu wake, mpate kuwa na saburi ya kila namna na uvumilivu pamoja na furaha.” Wale ambao wameimarishwa hivyo hawawezi kutembea kwa unyonge....

“Mkimshukuru Baba, aliyewastahilisha kupokea sehemu ya urithi wa watakatifu katika nuru. Naye alituokoa katika nguvu za giza, akatuhamisha na kutuingiza katika ufalme wa Mwana wa pendo lake; ambaye katika yeye tuna ukombozi, yaani, msamaha wa dhambi.” Sasa je! Sisi sote wadogo kwa wakubwa, hatutajifunza kuongea lugha ambayo inazungumzwa na wale ambao wanaingia katika ufalme wa Mungu? Je! Maneno yetu yasiwe yale ambayo yatasikilizwa kwa furaha na Baba yetu wa mbinguni?

Kama wale ambao tunakiri kuwa Wakristo, tuna wajibu madhubuti wa kuufunua ukweli wa kukiri kwetu kwa maneno yetu. Ulimi ni kiungo kidogo mwilini: lakini je, kinaweza kutoa kiwango cha mema jinsi gani ikiwa moyo ni safi! Ikiwa moyo utajazwa kwa mambo mazuri, ikiwa utajazwa na wema, huruma na upole wa Yesu, hili litaoneshwa kwa maneno yanayotamkwa na matendo yatendwayo. Nuru ing’aa kutoka katika Neno la Mungu inatuongoza. Hakuna kitu kinachodhoofisha kanisa kama matumizi mabaya ya talanta ya usemi....

Ubora wa kazi zetu unaoneshwa na maneno yetu. Maneno yetu na kazi zetu zinapopatana katika Kristo, tunaonesha kwamba tumewekwa wakfu kwa Mungu, tukiukamilisha utakatifu katika kicho Chake. Tunapojitoa nafsi, mwili na roho Kwake, anatenda kazi ndani yetu, kutaka kwetu na kutenda kwetu, kwa kulitimiza kusudi Lake jema.

Upendo wa Yesu ndani ya moyo unafunuliwa kwa maneno ya sifa. Wale ambao wamwekwa wakfu kwa Mungu wataonesha hili kwa mazungumzo yao matakatifu. Ikiwa mioyo yao ni safi, maneno yao yatakuwa safi, yakionesha kanuni zilizoadilishwa wakifanya kazi katika mwelekeo Mtakatifu. Akili itazama katika tafakari takatifu na kutakuwa na mguso wa uwepo wa Mungu

(The Review and Herald, Januari 18, 1898).